

客

塵

醫

話

序

先伯祖梅暉公會從名師講授得醫中三昧年八十餘猶讀書不倦然生平不肯輕於應世嘗訓子曰汝曹讀書須知醫理醫者所以衛生而司命也不可不知亦不可輕試遂識之而不敢忘予自弱冠卽好誦方書以質鈍未能深造其詣比年來親朋故舊以予稍知病情藥性強予就診應酬日繁但一知半解豈可漫焉從事益自愧而自懼也予將有遠游之志因作醫話三卷皆輯前人之緒論不敢擅自創作或亦曾經手試而一效者

至於文不雅馴言無足取則待有道者之教我

嘉慶八年五月下浣客塵子計楠自序於一隅草堂

客塵醫話

秀水計 楠壽喬著

卷上

雜症述略

爛喉發癍疹。近時甚多。在穉年不治者。十有八九。何也。其根由於種痘。近時嬰孩。稟質既薄。痘師防其發點繁多。下苗甚輕。多者數十顆。少者不過數顆。而先天臟腑之毒。未經盡透。一遇時感傳染。乘機而發。治之以寒涼之劑。則必至下陷。治之以透表之劑。則又邪未達而本

先撥蘊伏咽喉。隨卽潰爛而亡。其危可勝言哉。讀金匱書。有陽毒之爲病。面赤斑斑如錦紋。咽喉痛。吐膿血。五日可治。七日不可治。升麻鱉甲湯主之。之文。蓋以升麻透厲毒。鱉甲泄熱守神。當歸和血調營。甘草瀉火解毒。卽內經所云。熱淫於內。治以鹹寒。佐以苦甘之旨。釋其意。實與此症相類。而方內有蜀椒雄黃。似當加於陰毒方中。或因傳寫之訛。醫者當息心揣度。用古而不泥於古。轉機則在於臨症活變也。

李雲浦云。爛喉痧一症。風熱者宜清透。濕熱者宜清滲。

痰火凝結者宜消降。蓋邪達則痧透。痧透則爛自止。若過用寒涼。勢必內陷。其害不淺。但其症有可治。有不可治。口中作臭者。謂之回陽。其色或淡黃。或深黃。此係痰火所致。皆可治也。如爛至小舌。鼻塞。合眼矇矓。是毒氣深伏。元氣日虛。色白如粉皮樣者。皆不可治也。

爛喉發痧症。半由元虛。不正時邪。易於感染。重者用紫背浮萍。生石膏等藥。透毒解熱。稍輕者。只宜用大力子。桑葉。杏仁。連喬。桔梗。荆芥。鮮薺。花粉。輕清之品。清邪化熱。不得早用大生地。麥冬等。以膩之。亦斷不可用黃連。

黃芩大苦大寒等品以遏之。此等時症其勢危速。須細心詳慎。審脈察色。庶幾不致誤治也。

南人多溫熱病。而少真正傷寒。不可概從六經論治。蓋傷寒六日傳遍。多有變症。溫熱惟留戀一經。或傳入營分。從風從濕。必潛心細究。於舌色尤爲先務。葉天士前輩。溫熱論治數條。發前人所未發。最爲切要。學者宜宗法焉。

邪之所奏。其氣必虛。故曰不能治其虛。焉問其餘。然亦不可執也。強壯之人。思慮應酬之間。爲淫邪賊風所乘。

或自恃脾強。過啖甘肥炙燂。釀成醪痰實火。亦宜發表。攻裏。如河間推陳致新之法。有何不可。若因循顧忌。治不中肯。久則反傷正氣。所謂五虛死。五實亦死。又云毋實實。毋虛虛是也。若不論虛實。動手便用補益。執扶正化邪之說。與膠柱而鼓瑟者何異耶。

瘧病無汗。要有汗固矣。至於有汗要無汗。亦不可不斟酌也。雖有虛實之不同。其根未有不因暑邪內藏。陰邪外束所致。暑爲陽邪。陽邪多汗。故瘧往往有汗。豈可因其汗多。早加固表之藥。以致病情反覆。故古人但言久



瘧扶正爲主。未嘗言固表也。愚謂汗少不妨更發汗。汗多不必再發汗。但以輕清和解治之可也。

衛屬陽。其氣慄悍。故行速。營屬陰。其氣靜翕。故行遲。瘧邪之間。一日及連二日發者。邪之著於營也。如周天之數。日行過之。月行不及。亦是陰陽遲速之分耳。治疫之法。解毒爲先務。吳又可專用大黃驅逐毒穢。但近時之人。體氣多薄。攻蕩難施。莫若張路玉用人中黃配蔥豉等解毒藥爲起首方。葉天士用銀花金汁涼解之品。最爲穩當。喻氏云。上焦如霧。升而逐之。佐以解毒。中焦如

漚疏而逐之。佐以解毒。下焦如瀆。決而逐之。佐以解毒。觀其旨病有上中下之分。而獨於解毒一言。叮嚀再四。豈非急於解毒之法哉。

疫者穢惡之氣。互相傳染。吳氏謂從口鼻而入。卽踞膜原。但口鼻吸受。肺爲出入之門戶。無有不先犯肺者。疫皆熱毒。肺金所畏。每見此症。身熱先憎寒。肺先病也。繼而充斥三焦。或有徑走心包絡者。所謂厲氣。無非鬱熱也。至於疫邪漸解。而肺蓄餘熱。每多咳嗆肌熱自汗等證。亦所謂肺先病而未愈之明徵也。今人每遇房勞遺

洩之後。偶感風寒發熱。卽謂之陰症。病者怕虛。醫者怕表。不問現症如何。竟用參地附桂溫熱峻補之劑。是則先補實其風寒於腎中矣。邪何由出耶。夫所謂陰症者。寒邪中於三陰經也。卽使中於腎經。亦須先散少陰之風寒。如傷寒論中。少陰發熱。仍用麻黃細辛發表之法。是也。若果直中三陰。身不壯熱。有惡寒倦臥厥冷喜熱等症。亦且先宜溫散。漸進滋補之法。此理不可不細辨也。

大概治膏粱者多滋養。治藜藿者多消散。然膏粱之體。

易生痰積。由其多食厚味也。亦宜消散。藜藿之人。易於清減。由其自奉淡薄也。亦宜滋養。所謂人情物理。不可執一以施。

病有在下者。其見證反在上。如蓄血發狂是矣。在上者反在下。如肺氣壅。大便頻。肺氣虛。小便數是矣。在表者反在裏。如三陽合病下利是矣。在裏者反在表。如熱深厥亦深。及面反戴陽是矣。治宜細察。

衛爲陽。風爲陽邪。中風者。陽虛不能衛外。以類相從也。故多顯陽熱之症。治宜求受病之本。毋徒事於風藥。以

重虛其表。

傷寒論云。能食者爲中風。不能食者爲中寒。則傷寒內中風之症。未嘗禁其食也。又云。欲飲水者。稍稍與之。蓋實火煩渴。得水則解。未嘗禁冷水也。乃醫者凡遇此症。恐其傷胃。禁止勿與。是亦背先賢之大旨矣。

陰虛則陽無所附。氣有升無降。法當以滋陰藥爲君。斂降之藥爲佐。苟徒降其氣。則濁未必降。而清且隨虛矣。陽虛則氣中斷。氣有降無升。法當以補中藥爲君。升舉之藥爲佐。苟徒升其氣。則清未必升。而濁且隨干矣。此

治陰陽之偏虛也。外此或七情逆滯。或氣血飲食痰阻。礙於中焦。妨其升降出入之路。其人元氣未虧。不妨升之降之也。此後天有形之氣血。調治之理。至若先天元陰元陽。則陰虛陽必薄。陽虛陰必乘。但當峻補陰陽。無暇爲升降治標計也。

陽虛而見陽熱之症。是真火無根而脫出也。陰虛而見陽熱之症。是陰虛陽無所附而然也。陽盛而見陰寒之症。是陽盛拒陰也。陰盛而見陽熱之症。是陰盛格陽也。四者用藥不當。生死反掌。

腎者胃之關。從陽則開。從陰則闔。陽太勝。則開而爲消。陰太勝。則闔而爲水。明矣。仲景治水腫。主之以腎氣丸。而治消渴亦然。甯不與陽盛有乖乎。然而此之消。是腎中陽虛。不能收攝也。此之渴。是腎中陰虛。引水自救也。喻氏謂腎水下趨。故消。腎氣不上騰。故渴。均用此丸。蒸動腎氣。恐未必然。

咳嗽之症。大半由於火來克金。謂之賊邪。最難速愈。因風寒外襲。而內生實火。急宜瀉之。若失於提解。久之傳變生痰。誤服陰藥。反成癆瘵。如果係虛火。惟有壯水一

法。但養陰之藥。又皆阻氣滯痰。是在治之者靈也。如生脈六君湯。金水六君煎之類。最爲妥當。

腎虛水泛爲痰。有腎中陽虛。腎中陰虛。陽虛津液洋洋。泛溢。味淡起沫。治宜補氣以上陰。則上泛可降。陰虛咳唾痰涎。味鹹黏膩。治宜益水以潛陽。則咳唾可平。治不可雜也。

噎膈爲難治之病。然噎猶可治。膈斷不可治。噎多實症。或痰或血。或氣或食。或水凝結於中。能先下其滯。繼以補養。腸胃漸能運化矣。內經雞矢醴之方。卽治法也。至



臂細臍凸。青筋繞腹。手心及背平滿。此藏氣已絕。死不治。若膈症。始由肝火犯胃。木來侮土。謂之賊邪。所以肝陰素虧。津液不足之體。嘔逆不止。久成噎膈。以至胃汁枯槁。痰涎壅塞。食不下達。仍復吐出。此病在賁門。固與反胃之症。朝食暮吐。暮食朝吐。病在幽門者。判然兩途。經云。穀入於胃。以傳於肺。五臟六腑。皆以受氣。今既食不能入。則臟腑之氣皆竭矣。故見此病。少可納穀。不出一年而死。全不納穀。不出半年而死。春得病死於秋。秋得病死於春。金木相克之時也。

心腎不足。小便渾濁。中氣不足。洩便爲之變色。要知金衰則水涸。水涸則小便短數而渾濁。氣不足則易鬱。鬱則生熱。熱生則溺色變爲黃赤矣。當求其本而治之。若徒執水液渾濁。皆屬於火。概施利水清熱之品。必致反增其病。

腳氣之病。多由溼熱。因濁邪下先受之也。膏粱者溼熱內生。藜藿者溼熱外侵。治宜分利滲溼固也。若有陰虛之極。不能吸氣歸元。陽虛之極。不能攝血歸經。陰陽偏勝。升降失司。於是陽獨浮於上。陰獨沈於下。足至暮則

腫痛矣。治又宜補陰益氣。不可概施分利滲溼。以重傷其陰陽。是在觀形察脈以細求之。

有思慮傷脾。脾虛不能統血而失出者。有思慮傷脾。脾衰不能消穀而泄瀉者。失血斷不宜用涼血。泄瀉不宜用消導。以致脾氣愈傷。皆當扶養脾土爲本。勿徒治其標。

平脈云。少陰脈不至。腎氣微。少精血。奔氣迫促。上入胸膈。夫少陰脈不至。是先天元陽元陰受傷。腎者先天也。脾胃者後天也。先天既已受傷。則不能生乎後天。故脾

胃之陰陽亦傷。不能運化水穀。而生溼熱。溼熱下流。則膀胱之氣化不行。濁氣因而上入。濁氣上入。肺氣便壅。脾氣愈滯。於是爲痰爲飲。而食滯腹脹之症形焉。其少陽生發之氣。鬱而不得升。爲周身刺痛。爲嘔逆吞酸。心主之陽。爲濁陰所乘。則爲心悸怔忡。是腎之一臟病。而五臟六腑。皆爲之不甯。故養身莫妙於節慾也。若不知此。而但以利氣行痰消食爲治。則燥以傷其陰。利以傷其陽。不坐困乎。此專主腎虛而言也。

諸痛無補。言氣逆滯也。然壯者氣行則愈。怯者著而成。

病。真氣虛乏之人。諸邪易於留著。著則逆。逆則痛。疏刷之中。不可無補養之品。徒事攻擊。則正愈虛。邪愈著。而痛無休止也。所以脾胃亡液。焦燥如割。宜用地黃養陰等以潤之。脈陽澀陰弦。腹中急痛。當用小建中湯。汗血不足。兩脇脹滿。筋急不得太息。四肢厥冷。心腹引痛。目不明了。爪甲枯。面青。宜補肝湯。腎虛羸怯之人。房勞過度。胸膈間多隱隱痛。此腎虛不能約氣。氣虛不能生血之故。往往凝滯而作痛。宜用破故紙。萸肉。枸杞等溫腎。歸芍等養血。至於頭痛。有氣虛。有血虛。有腎虛。皆不可

無補也。

風溫溫瘧之病。其根得之於冬令。中於風寒。遇溫而發。其氣自內而達於外。故多汗。不比風邪外束。閉其營衛。當發汗解肌也。治故以發表爲逆。亦不可因汗而斂之。致變別病。務以清解得宜。

吐血一症。繆氏云。治有三訣。宜行血。不宜止血。血不循經絡者。氣逆上壅也。行血則使循經絡。不止自止。若用硬止之劑。血必凝。血凝則發熱惡食。病日痼矣。宜補肝。不宜伐肝。肝主藏血。吐者肝失其職也。養肝則肝氣平。

而血有所歸。若使伐肝。則肝愈虛。血愈不止矣。宜降氣。不宜降火。氣有餘。便是火。氣降則火降。火降則氣不上。升。血隨氣行。無溢出上竅之患矣。若使先降火。必用寒涼之劑。反傷胃氣。胃氣傷。則脾不能統血。愈不歸經矣。吐血入水。浮者肺血。沈者肝血。半沈半浮者心血。色赤如太陽之紅者腎血。肺血宜保肺。不宜瀉肺。肝血宜養肝。不宜伐肝。心血宜補心。不宜瀉心。腎血宜滋腎。不宜涼腎。若使久吐不上。血已大虛。當用溫補以健脾胃。使脾和則能裹血也。若暴吐不止。急用大劑參朮以急固。

元陽。血脫益氣湯。生陰長陽之理也。如一味以生地芩連知柏黑梔寒涼陰膩之屬清其火。則脾傷作瀉。發熱致嗽。勢必至於不救矣。

幼科驚症。自喻氏以食痰風驚四字立名。大剖從前之訛。原爲確論。然亦有未盡者。近多冬令氣暖失藏。入春寒溫間雜。小兒吸受其邪。先傷肺經。起自寒熱。氣蘊久延。漸入包絡。雖有微汗。而痰多鼻煽。煩躁神昏。病家惶懼。輒云變爲驚風。動用香開。妄投金石重鎮。以致陰液消亡。熱勢愈張。正不敵邪。肝風陡動。漸見肢牽目竄。瘳



閉發厥。必多傾敗。若能於病未猖獗之時。先以辛涼開肺。繼以甘寒化熱。佐以潤燥降痰。兩候自能平復。此蓋溫邪陷入。陰液內耗而動肝風。實非驚恐致病也。若誤以驚藥治之。鮮有不危殆者矣。

內經云。臨病問所便。蓋病人之愛惡苦樂。卽病情虛實寒熱之徵。醫者之切脈望氣。不若問病人使自言。以推求其理爲確。如身大熱而反欲飲熱。則假熱而真寒。身寒戰而反欲飲冷。則假寒而真熱。如此之類是也。所以病人之喜好。不妨從病人之便。卽可以治其病。

病者之性情不同。醫者之意見各異。人有能受溫熱。不能受寒涼者。有受補。有不受補者。必須順其性。察其情。現症有與平素相反者。有與平素不相遠者。不可執已見。誤治其標本也。

近時醫家。每用囫圇圖古方。硬引經語。以自矜淵博。殊不知古賢立方。與人以規矩。不能使人巧。蓋規矩做方。做員之呆法。而作器長短大小。時時變通。所以病情古今無印板式樣。卽方無一定呆藥。必須加減。寓變通於成法之中。斯神乎技矣。



卷中

婦科述略

治婦人病。必先知衝任之脈。衝脈起於氣街。在毛際兩旁並

少陰之經。挾臍上行。至胸中而散。任脈起於中極之下。

臍旁四寸以上毛際循腹裏上關元。又云衝任脈皆起於胞

中。上循背裏。爲經脈之海。皆血之所從生。而胎之所由繫。明於衝任之故。本原洞悉。不概治以男子泛用之藥。自能所治輒效矣。

肝氣之病。近時甚多。婦女爲尤甚。卽十餘歲之童女。往

往左脇下痞積。脹滿嘔逆。此先天之肝血不足也。治以  
疏伐則劇。治以滋養則平。比比而然。況乎天癸久轉。生  
育頻多之婦人。其血愈虧。肝愈旺。上犯胃腕。下侵於足。  
甚至納食卽吐。兩足攣痛。致發瘧厥。此肝氣久痛。必入  
於絡。因血少不能流通。其氣必滯。非養血和絡。補水滋  
木。焉能療治。世人概以謂東方常實。有瀉無補。遂皆以  
肝無補法論治。殊不知肝氣之痛。大半屬於水虧木熾。  
所以逍遙散爲治肝之始方。並無瀉伐之品。其中歸芍  
補肝。白朮甘草補中。加以柴胡煨姜爲疏通之用。氣平

卽繼以八珍湯調養之。則自然所發漸輕。若隨俗附和。任意用枳殼香附青皮鬱金等破氣之藥。元氣日益消耗。陽衰則陰竭。禍不旋踵矣。景岳質疑錄云。肝無補法者。以肝氣之不可補。非謂肝血之不可補。補肝血莫如滋腎水。腎者木之母也。母旺則子強。是以當滋化源。此千古之良法也。夫將軍之官。其性剛勁。木火同居。風乘火勢。火助風威。毋贊其勝。此言其氣實有餘也。若求其本。則乙癸同源。滋陰養血。尤爲急矣。

逍遙散

柴胡

當歸 酒拌

白芍

酒炒

白朮

土炒

茯苓

炙草

煨姜

薄荷

肝虛則血病。歸芍養血而斂陰。木盛則土衰。朮草和中而補土。柴胡升陽散熱。合芍藥以平肝。茯苓清熱利溼。助甘朮以益土。煨姜煖胃祛痰。調中解鬱。薄荷搜肝瀉肺。理血消風。

本方加丹皮、卮子，名八味逍遙散。丹皮瀉血中伏火。卮子瀉三焦鬱火，以抑肝氣，兼調經也。

八珍湯

四君合四物，治氣血兩虛。

婦人血結胞門。則上焦之陽。不得入於陰。在下則小腹裏急。五液時下。在上則孤陽獨浮。爲嗔怒發熱。口燥發厥。治法先宜開痺破陰結。不得一味滋膩。致成蠱滿。當看其虛實。用景岳新陣柴胡飲六方。柴陳煎。歸柴飲。解肝化肝煎等方。因病加減治之。較古方尤爲靈動。

一柴胡飲

一爲水數。從寒散也。

柴胡

黃芩

芍藥

生地

陳皮

甘草

二柴胡飲

二爲火數。從溫散也。



柴胡

陳皮

半夏

細辛

厚朴

生姜

甘草

三柴胡飲

三爲木數。從肝經血分也。

柴胡

芍藥

炙草

陳皮

生姜

當歸

四柴胡飲

四爲金數。從肺經氣分也。

柴胡

炙草

生姜

當歸

人參

五柴胡飲

五爲土數。從脾胃也。

柴胡

當歸

熟地

白朮

芍藥

炙草

陳皮

正柴胡飲

柴胡

防風

陳皮

芍藥

甘草

生姜

柴陳煎 二陳湯加柴胡

治傷風兼寒。咳嗽發熱。痞滿多痰等症。

歸柴飲

當歸

柴胡

甘草

治營虛不能作汗。及真陰不足。外感寒邪難解者。此

神方也

解肝煎 治氣逆脹滿兼肝火用化肝煎。

陳皮 半夏 厚朴 茯苓 蘇葉

芍藥 砂仁

化肝煎 治氣逆動火。

青皮 陳皮 丹皮 芍藥 梔子

澤瀉 土貝母

妊娠傷寒及溫熱症最難措手。須辨舌胎。張誕先舌鑑六條實爲名論。治宜宗之。其一云。孕婦初傷於寒。見面赤舌上白滑。卽當微汗之以解其表。如面舌俱白。發熱

多飲冷水。陽極變陰所致。當用溫中之藥。若見厥冷煩躁。誤與涼劑。則厥逆吐利而死。其二云。面赤舌黃。五六日裏症見。當微利之。庶免熱邪傷胎之患。若面舌俱黃。此失於發汗。溼熱入裏所致。當用清利水藥。其三云。面舌俱黑。水火相刑。不必問其月數。子母俱死。面赤舌微黑者。還當保胎。如見灰黑。乃邪入子宮。其胎必不能固。若面赤者。根本未傷。當急下以救其母。其四云。妊娠傷寒溫熱。見面舌俱赤。宜隨症汗下。子母無虞。面色皎白而舌赤者。母氣素虛。當略用溫散法。若面黑舌

赤亦非吉兆。若在臨月。則子得生。而母當殞。其五云。見面赤舌紫。其人必嗜飲。乃酒毒內傳所致。如淡紫帶青。爲陰症夾食。難治也。卽用枳實理中四逆輩。亦難爲力。若面青舌青。母雖無妨。子殞腹內。急宜用芎歸湯。合平胃散。加朴硝下之。以救其母。其六云。面黑而舌乾卷短。或黃黑刺裂。乃裏症至急。不下則熱邪傷胎。下之則危在頃刻。如無循衣撮空直視等證。十中可挽回一

二。

妊娠傷寒傷風。首宜固胎順氣。雖見脈緊無汗。不可用

麻黃青龍。及一切解表猛劑。以風藥性升。皆犯胎氣也。鄭虛谷曰。妊娠傷風。無論時月。及月分多少。俱宜嚴氏紫蘇飲。加蔥白爲至穩。

古人用芩朮安胎。是因子氣過熱不甯。故用黃芩苦寒以安之。脾爲一身之津梁。主內外諸氣。而胎息運化之機。全賴脾土。故用白朮以助之。然惟形瘦血熱。營行過疾。而胎常上逼者宜之。至若形盛氣衰。胎常下墜者。非人參舉之不安。形盛氣實。胎常不運者。非香砂耗之不安。血虛火旺。腹常急痛者。非芎歸地芍養之不安。體肥

痰盛。嘔逆眩暈。非芩半豁之不安。此皆治母之偏勝也。婦人墜胎與難產。病之最險者也。治墜胎。往往用補瀉。治難產。往往用攻下。皆非正法。蓋半產之故。由於虛滑者半。由於內熱者半。得胎之後。衝任之血。爲胎所吸。無餘血下行。血苟不足。則胎必枯槁而墜。其本由於內熱火盛。陽旺而陰劫。血益少矣。治宜養血爲先。清熱次之。若泥於膩補。反生壅滯之害。至於產育。乃天地生生化育之理。本無危險。皆人之自作也。用力不可太早。早則胎先墜下。舒轉不及。胞漿先破。胎已枯澀。遂有橫生倒

產之虞。其治亦不外乎養血爲主。血生則胎自出。若誤用攻下之藥。則胎雖已產。衝任大傷。氣冒血崩。危在呼吸矣。

### 胎前論治

孕婦元氣不足。倦怠腹鳴胎動。或微熱減食煩渴。宜服加味安胎飲。

人參

八分

製白朮

一分

白當歸

一分

砂仁

三分

蘇葉

四分

陳皮

四分

熟地

三錢

淡子黃芩

八分

炙草

二分

麥冬

一錢



孕婦或胃脘痛。肝脹。小腹墜痛。腰痛。皆名胎痛。治宜加味參橘飲。

人參五分 製白朮一錢 當歸一錢 製半夏六分

新會橘紅六分 藿梗五分 炙甘草三分 砂仁三分

白芍一錢 蘇梗六分 生薑二分

孕婦多怒。胸腹滿悶。宜服加減和氣安胎散。

人參四分 白朮七分 當歸錢半 川芎五分 炙甘草三分

蘇葉四分 陳皮五分 青皮四分 石決明一錢五分

孕婦面目虛浮。四肢有水氣。多因脾胃氣虛。或久瀉所

致宜健脾利水。服全生白朮散。

人參

四分

茯苓

二錢

生白朮

一錢五分

淮山藥

二錢炒

扁豆

二錢

澤瀉

五分炒

大腹皮

七分

陳皮

七分炒

蘇葉

四分

炙甘草

三分

胎氣上攻。心腹脹滿。名日子懸。宜服順氣安胎飲。

人參

三分

白朮

八分

當歸

一錢五分

白芍

一錢二分炒

條芩

八分炒

蘇葉

四分

陳皮

六分炒

砂仁

三分研

茯苓

一錢五分

製香附

八分

受胎後尚有經來數點。乃氣血盛也。若不腰痠腹痛。不必服藥。如下血不止。或按月下血。名曰胎漏。多因勞傷氣血。或喜食炙煇熱物。或因房事。宜服補中安胎飲。

人參

一錢

淡黃芩

一錢

阿膠

一錢

蛤粉炒珠

白朮

一錢

歸身

一錢

蘇葉

四分

歸身

一錢

生地

二錢

川斷

一錢

蘇葉

四分

白芍

一錢

炙甘草

三分

炙甘草

三分

孕婦跌仆傷胎，下血不止，宜服膠艾安胎飲。

阿膠

一錢

蛤粉炒

艾葉

五分

醋炙

人參

一錢

白朮

一錢

川芎

六分

熟地

三錢

炒

黃芩

一錢

酒炒

當歸

一錢

陳皮

五分

蘇葉

四分

孕婦心驚膽怯，煩悶不安，名曰子煩，宜服竹葉安胎飲。

竹葉

十月

人參

八分

麥冬

一錢

五分

當歸

一錢

生地

二錢

棗仁

炒

一錢

五分

黃芩

炒

遠志

肉

四分

甘草水

炒魚

川芎 四分 炙甘草 二分 陳皮 四分

孕婦脾虛氣弱。飲食停滯。嘔吐腹脹。名曰子滿。宜服人參平胃散。

人參 一錢 茅蒼朮 七分 厚朴 七分

泔水浸炒炭 姜汁炒炭

陳皮 四分 炙甘草 三分 白朮 八分 山查炭 七分

炒

孕婦成胎之後。兩足浮腫。漸至腿膝。行步艱難。氣促。喘悶。面浮。不思飲食。甚至足指出黃水。蓋脾主四肢。脾氣虛弱。不能制水。肺腎少氣。血滋養。名曰子氣。宜服天仙藤散。

天仙藤七分 香附六分 陳皮五分 蘇葉四分

甘草三分 烏藥六分 木瓜八分 薑皮三分 人參五分

白朮一錢 當歸半錢 如元虛脾胃弱。間服補中益氣湯。

孕婦口噤項強。手足攣縮。言語蹇澇。痰涎壅盛。人事不省。名曰子癇。不可作中風治。宜羚羊角散。

羚羊角一錢 棗仁一錢 薏苡仁一錢 當歸一錢 五分

獨活八分 茯神一錢 生甘草四分 五茄皮五分

川芎六分 防風五分 木香二分 苦杏仁十粒 薑汁一滴

竹瀝一匙 如體虛胃弱。加人參 白朮

孕婦小便濇少。或成淋瀝。名曰子淋。宜服加味安榮湯。

人參

錢一

當歸

錢一

白朮

錢一

麥冬

錢一

茯苓

錢一

通草

五分

生甘草

五分

燈草

五分

原方有北細辛不可用。

孕婦小便帶血。宜清膀胱之火。治以加味道遙散。

當歸

錢一

白芍

錢一

柴胡

錢一

白朮

錢一

茯苓

錢一

丹皮

錢一

黑山梔

錢一

生甘草

錢三

或加生地

錢二

麥冬

錢半

亦安

孕婦小便癃閉。少腹脹滿欲死。徒利水無益也。當用加味葵子茯苓飲。

冬葵子

四錢

茯苓

六錢

歸身

一錢五分

橘皮

四分

人參

一錢五分

麥冬

二錢

大腹皮

七分

孕婦臍腹脹痛。或小便淋閉。此脾胃氣虛。胎壓膀胱。宜服升提安胎飲。

人參

八分

白朮

一錢二分

熟地

二錢

當歸

一錢五分

川芎

六分

製半夏

四分

炙甘草

三分

陳皮

四分

柴胡

四分

升麻

四分

如小便自利者。升柴宜輕。人參宜重。如無血熱。宜加生地黃。

孕婦遍身浮腫。胸滿腹脹便閉。名曰胎水不利。宜服鯉

魚湯合四君子湯。

白朮 一錢 茯苓 四錢 當歸 二錢 白芍 一錢五分

用活鯉魚一尾。約重二筋。去鱗腸。加橘皮 錢 許。生姜 三片

河水煮。取魚湯。加藥煎服。虛者加人參 一錢 炙甘草 四分

孕婦感冒風寒咳嗽。宜服甯肺散。

杏仁 一錢 知母 一錢 桔梗 五分 蘇葉 五分 生甘草 五分

麥冬 一錢 橘紅 四分 桑皮 八分 如寒嗽加薑汁 一匙

竹瀝 一匙 熱嗽加黃芩 一錢 虛嗽加紫苑 一錢 川貝 一錢

若嗽不止。胎動不安。加人參 一錢 天冬 一錢 百合 五分



歸身

一錢炒焦

白芍

八分炒焦

孕婦咳嗽吐血。宜服涼血安胎飲。

生地

三錢

天冬

一錢

紫苑

一錢

知母

八分

白朮

八分蜜水炒

麥冬

一錢

歸身

一錢

陳皮

四分炒

甘草

四分

黃芩

四分

孕婦霍亂吐瀉。心煩腹痛。先服六和湯。繼服安胎飲。

人參

一錢

木瓜

八分炒

扁豆

三錢

茯苓

一錢

製半夏

五分

砂仁

三分研

陳皮

六分炒

藿香

五分

甘草

三分

杏仁

錢半去皮尖

竹茹

六分

生薑

一片

大棗

二枚

煎服

安胎飲

蜜炙黃耆

八分

杜仲

二錢

茯苓

一錢五分

黃芩

一錢

生白朮

八分

阿膠

一錢

川斷

一錢五分

炙甘草

三分

蘇葉

四分

陳皮

六分

加糯米百粒

孕婦瘧疾往來寒熱宜服六和安胎飲。

人參

五分

白朮

八分

歸身

一錢五分

川芎

四分

條芩

八分

製半夏

五分

藿香

六分

蘇葉

四分

茯苓

一錢五分

砂仁

二分

重者加柴胡

三分

孕婦壅熱心神煩躁。口渴舌乾。或舌苔黃黑。宜加減參

麥散。

人參

五分

廣皮

四分

歸身

一錢

鹽水炒

知母

一錢

條芩

八分

炒

麥冬

一錢五分

石斛

二錢

二錢

孕婦熱病。癍疹紫赤。小便短赤。氣急欲絕。腹痛胎欲落之象。症雖危險。宜服梔子蔥豉湯以救之。

黑山梔

一錢

黃芩

一錢

升麻

四分

青黛

五分

鮮生地

二錢

二錢

淡豆豉

四十粒

杏仁

十粒

石膏

一錢

蔥白

七寸

七寸

孕婦嘔吐不食。胸中煩躁。宜生津葛根湯。

人參

五分

麥冬

一錢

梔子

八分

炒黑

知母

八分

葛根

七分

煨

竹茹

六分

蘆根

二錢

蔥白

二寸

孕婦吐血衄血。忽然口噤項強背直。皆失血所致。非類中風也。宜加減安胎飲。

人參一錢 當歸一錢五分 白朮一錢 大生地二錢 條芩八分

純鉤藤二錢 荆芥四分 陳皮四分 甘草三分

麥冬一錢五分 去心

孕婦每三月殞胎。是肝虛血不能養胎也。宜人參阿膠湯預先服之。

人參一錢 阿膠一錢五分 蛤粉炒 珠當歸一錢五分 水炒 川芎四分

白芍一錢二分 炒 桑寄生一錢二分

客塵醫記  
孕婦傷胎。胎死腹中。口噤昏沈。腹中脹痛。血上沖心。急宜服佛手散。

當歸 六錢

川芎 三錢

水七分酒三分煎服數劑。

臨產交骨不開。及橫生倒產。宜急服加味芎歸湯。

當歸 一兩

川芎 四錢

敗龜版 一具

陳酒炙碎

婦人頭髮

如鷄子大一團洗淨瓦上炙灰存性

如久而虛欲脫者。加人

參 熟地

牛膝

酌量用之。開支河之法也。

二寶湯方

全白當歸 一錢

川芎 八分

羌活 三分

厚朴 五分

姜汁炒

荆芥穗

七分

兔絲餅

一錢五分

陳枳殼

五分

去囊麩炒

生黃耆

入分

川貝

一錢去心

白芍

一錢酒炒

二分

甘草

四分

蘄艾

五分醋炒炭

姜片

一方

羌活

厚朴換蘇葉藿香

此方尚治一切胎症。未產能安胎。臨產能催生。懷孕五月後。腰痛腹痛。服之即愈。分娩時。交骨不開。橫生逆產。或子死腹中。服之能下。懷妊五月後。每月服二三劑。臨盆容易。子母俱全。故名二寶。異人傳下。不可輕忽視之。



卷下

產後述略

婦人之病。莫重於產後。因氣血大虧。內而七情。外而六氣。稍有感觸。卽足致病。且多疑似之症。毋徒以逐瘀爲事。以致變端百出。讀金匱書中。有用大黃等峻劑者。非古人立法之不善也。蓋以古時稟氣之足。或西北地土堅厚。人亦強壯。用之良善。至於吾地。體質柔弱。深閨嬌養。豈能受此侵尅。此看病之不可泥於古也。時人每謂產後不可補。恐其瘀阻。往往用蘇木紅花等行瘀爲先。



務設或血行不止立見厥脫急難措手可不懼哉丹溪云產後以大補氣血爲主雖有他症以未治之王肯堂云產後用下藥者百無一生誠哉是言也

金匱要略云新產婦人有三病一病瘧二病鬱冒三病大便難新產血虛多汗出善中風故令病瘧亡血復汗寒多故令鬱冒亡津液胃燥故大便難心典云血虛汗出筋脈失養風入而益其勁此筋病也亡陰血虛陽氣逆厥而寒復鬱之則頭眩而目瞽此神病也胃藏津液而滲灌諸陽亡津液胃燥則大腸失其潤而大便難此

液病也。三者不同。其爲亡血傷津則一。故產後血虛諸症。由此而類推之。則不致誤治也。

產後諸病。總宜以生化湯爲主。隨症加味可也。竹林寺世傳秘本生化湯論云。產後血氣暴虛。理當大補。但惡露未盡。用補須知毋滯。血能化又能生。無損元虛。行中帶補。方爲萬全。世以回生丹下胞胎。攻血塊。雖見速效。未免虧損元氣。非良劑也。不得已而用之。只可服一丸。以參湯下之。庶無虞耳。夫生化湯。以藥性功用而立名也。夫產後瘀固當消。新血宜生。若專消則新血不甯。專

生則舊血反滯。考藥性。芎歸桃仁善破惡血。驟生新血。佐以炮薑甘草。引三品入肺肝。生血理氣。五味共方。則行中有補。化中有生。實產後之要藥也。加減得宜。是在臨證者之善悟可耳。又論產後治法云。夫產後憂驚勞倦。血氣暴虛。諸症乘虛易起。如有氣勿專耗散。有食勿專消導。熱不可用芩連。寒不可用桂附。用寒則血塊停結。用熱則新血崩流。至若虛中外感。見三陽表症。似可汗也。在產後而用麻黃。則重竭其陽。見三陰裏症。似可下也。在產後而用承氣。則重亡其陰。耳聾脇痛。乃肝腎

惡血之停。休用柴胡。謔語汗出。乃元弱似邪之症。母同胃實。厥由陽氣之衰。無分寒弱。非大補不能回陽而起弱。痺因陰血之虧。不論剛柔。非滋榮不能舒筋而治絡。乍寒乍熱。發作有期。類瘧也。若以瘧治。則遷延難愈。神不守舍。言語無倫。似邪也。若以邪論。危亡可待。去血多而大便燥結。菝蓉可加於生化湯中。非潤腸承氣之爲患。汗多而小便短澀。六君子倍多參耆。必生津助液之可利。加參生化。頻服能救垂絕之危。長生活絡。能用可甦絕穀之人。頰疝脫肛。多是氣虛下陷。生化可參用補。

中益氣。口噤拳攣。乃因血燥類瘋。加參生化宜服。產戶入風而痛甚。服宜羌活養榮。玉門寒冷而不閉。洗宜牀菟荳硫。類怔忡驚悸。生化加定志之品。似邪恍惚。生化加安神之法。因氣而虛煩滿悶。生化加木香爲佐。因食而酸醜惡食。合六君加神麩麥芽爲良。不可用蘇木葭蓬以破血。不可用枳實青皮以消脹。血崩血暈之危。汗脫氣脫之急。連煎加參生化湯。爲最要務也。王太僕云。治下補下。制以緩急。緩則道路遠而力微。急則氣味厚而力重。丹溪云。產後切不可發表。故治產固本當遵丹

溪服法宜效太僕。

生化湯原方

分兩斟酌在  
臨用變通也

川芎

二錢

白當歸

四錢

炙甘草

五分

炒黑乾薑

四分

單桃仁

十粒  
去皮尖

水二鍾

陳酒半小杯沖服

產後血暈。因勞倦去血過多。氣竭神昏而暈。不可誤認  
爲惡血沖心。投散血之劑。不可誤認爲痰火鬱冒。用消  
降之方。宜服加味生化湯。

歸身

三錢

川芎

一錢  
五分

炮薑

四分

桃仁

十粒  
去皮尖

炙草

四分

荆芥炭

五分

如汗多加人參

一錢

產後厥逆。因勞傷脾。孤藏不能注於四旁。故足冷而厥。氣上行。經云。陽氣衰於下。則爲寒厥是也。宜加參生化湯。滋榮復神湯。

加參生化湯

人參

一錢

川芎

五分

歸身

四錢

桃仁

十粒

炙甘草

五分

炮薑

五分

橘紅

四分

鹽水炒

滋榮復神湯

川芎

一錢

白朮

一錢

黃耆

二錢

人參

一錢

當歸

三錢

熟地

三錢

炒

麥冬

一錢

炙甘草

三分

五味子

十粒

茯神

二錢

熟附子

四分

陳皮

四分炒

如大便不通加菴蓉

一錢五分

產後血崩如紫色有塊是敗血未盡當用原方生化湯

加澤蘭葉

一錢五分

如血色鮮紅大來或因驚傷心怒傷肝

勞傷脾血則不能主不能藏不能統陰絡大傷矣症甚

急當用升舉生化湯

人參

一錢五分

製白朮

一錢五分

歸身

二錢炒焦

炙黃耆

一錢

熟地炭

三錢

荆芥炭

四錢

陳皮

四分炒

升麻

三分蜜炙

白芷

三分炒炭

川芎

六分鹽水炒焦

淡附子

二分

炙甘草

四分

如汗多加淮小麥

四錢焙



產後氣短似喘。因血既暴去。氣必上竄。脾失健運。不能上輸於肺。所以呼吸短促。言語不相接續。急服加參生  
化湯。續氣養榮湯。若認爲痰火。而妄議散氣化痰之方。  
誤事多矣。

續氣養榮湯

歸身

四錢

川芎

一錢

炙甘草

四分

炮薑

四分

人參

一錢五分

炙黃耆

一錢

製白朮

一錢

熟地炭

三錢

陳皮

四分

如煩渴

加麥冬

一錢五分

五味子

十粒

如大便閉加淡菹蓉

二錢

傷食加神麩

八分

查炭

一錢

砂仁

三分

汗多加浮小麥

四錢  
炒 如手足冷加淡附子 三分

產後妄言妄見。由氣血兩虛。魂魄無依也。不可誤認爲邪祟。嘔以符水。驚以法尺。多致不救。丹溪云。虛病似邪祟是也。又云。欲泄其邪。當補其虛。宜服安神定志生化湯。

棗仁一錢五分  
炒熟 遠志四分  
柏子仁一錢五分  
勿研

麥冬一錢五分  
炒 歸身三錢  
川芎一錢 桃仁七粒  
去皮尖

炙甘草四分 炮薑炭四分  
人參五分 加龍眼肉五個

產後去血過多。防血脫。氣短如喘。防氣脫。汗多妄言妄

見防神脫。雖有血陰氣陽之分。而精散魂去之促無異。若非厚藥急方。濃煎頻服。奚能有救。宜服大補生化湯。

人參

一錢五分

熟地

四錢

炙黃耆

一錢五分

淡附子

三分

五味子

十粒

製冬朮

一錢

麥冬

一錢五分

白桃仁

八粒

歸身

三錢

川芎

八分

炮薑

四分

炙甘草

三分

產後傷食。因形體勞倦。脾胃俱虛。不思食而強與之。胃雖勉受。脾難轉運。食停痞滿。噉腐吞酸。必須健脾助胃。加以輕品消導之藥。則食化脹平。斷不可用峻劑消之。致傷元氣。宜服健脾消食生化湯。

歸身三錢 川芎一錢 焦白朮一錢 焦神麩一錢 焦麥芽一錢

陳皮五分 炙甘草四分 如傷肉食加焦山查一錢

砂仁四分 或以絹包炒熟麩皮。加芒硝少許揉慰更穩。

產後因忿怒氣逆。胸痞不舒。宜用木香生化湯。

煨木香二分 歸身三錢 川芎一錢 炮薑四分 陳皮四分

產後類瘧。寒熱往來。應期而發。此元虛而外邪易侵。不可作泛常瘧治。有汗宜用滋榮扶正化邪生化湯。無汗頭痛。加減養胃湯。

歸身三錢 川芎一錢 人參一錢 炙甘草四分 麥冬一錢

陳皮

四分炒

炙黃耆

八分

藿香

三分

荆芥炭

六分

生姜

四片

河井水煎服

加減養胃湯

當歸

三錢

川芎

一錢二分

藿香梗

四分

炙甘草

四分

人參

一錢

焦白朮

一錢

茯苓

一錢五分

製半夏

八分

橘紅

四分

姜皮

二分

酒炒柴胡

三分

產後七日內外發頭痛惡寒類太陽症潮熱自汗大便不通類陽明症往來寒熱口苦脇痛類少陽症皆由氣血兩虛陰陽不和類外感傷寒治者慎勿輕產而重傷

寒以麻黃柴胡等湯治之也。蓋產婦血脫之後而重發汗。虛虛之禍。不可勝言。仲景有云。亡血家不可發汗。丹溪云。產後切不可發表。古賢立說。皆具至理。即使真感傷寒。生化湯內芎姜亦能散邪。且內經云。西北之氣散而寒之。東南之氣溫而收之。卽病同而治亦異。至於產後屬虛。無分南北。當於溫補中少佐辛散可也。宜祛邪生化湯。

歸身

三錢

川芎

一錢五分

炙甘草

四分

炮薑

四分

羌活

四分

桃仁

十粒  
去皮尖

防風

四分

蔥白

七寸

如虛者加人參  
五分

產後頭痛口燥咽乾而渴。類少陰症。腹滿液乾大便實。類太陰症。汗出譫語便閉痙厥。類厥陰症。多由勞倦傷脾。運化稽遲。氣血枯竭。腸腑燥涸。乃虛証類實。承氣諸湯。斷不可施。宜養正通幽湯。

當歸

四錢

川芎

五分

炙甘草

四分

陳皮

四分

桃仁

十粒

去皮尖

肉苳蓉

一錢

麻仁

一錢

如汗多加人參

一錢

黃耆

一錢

口渴加人參

一錢

麥冬

五分

腹滿液乾加人參

一錢

大腹皮

一錢

汗出譫語便閉加人參

一錢

熟棗仁

二錢

柏子仁

二錢

扶神

二錢

遠志肉

四分

麥冬

一錢

五分

產後血氣暴竭。百骸無以涵濡。卒爾口噤。牙關緊閉。手足攣急。症類中風。不可任用中風劑也。蓋衝爲血脈之海。血脈空虛。關節不能流利。治當先服生化湯。以生旺新血。如危極。卽服滋榮活絡湯救之。

熟地

三錢

人參

一錢

炙黃耆

一錢

歸身

四錢

川芎

一錢

一錢

茯神

一錢

天麻

六分

麥冬

一錢

荆芥

四分

防風

四分

四分

羌活

三分

陳皮

四分

炙甘草

四分

如有痰

加製半夏

一錢

一錢

一錢

一錢

姜汁

一匙

竹瀝

一匙

有食加山查炭

一錢

五分

焦神麩

一錢

一錢

一錢

一錢

大便閉加柏子仁

二錢

荳蔻

一錢

五分

驚悸加熟棗仁

二錢

二錢

二錢

二錢

二錢

二錢

二錢

二錢

二錢

二錢

二錢



言語恍惚加遠志肉

四分炒

石菖蒲

四分炒

棗仁

二錢炒

產後汗出不止。亡陽之徵也。蓋汗爲心之液。又腎主五液。血去而心腎大虧。必須急補心腎。益榮衛而噓血歸源。則汗自止。宜補陽益陰生化湯以救之。

人參

一錢五分

熟地

三錢炒

炙黃耆

二錢

炙甘草

四分

歸身

三錢

川芎

一錢

炮薑

四分

煨牡蠣

二錢

桃仁

六粒

浮小麥

一撮

如渴加麥冬

一錢五分

五味子

十粒

產後舌燥口渴。兼小便不利。由產後失血。或汗多所致。

治當助脾益肺。調養氣血。則津液生而小便自利矣。斷不可用芩連知柏以降之。五苓等劑以通之。宜服生津止渴益水散。

炙黃耆

一錢五分

人參

一錢五分

熟地

三錢炒

五味子

十粒

麥冬

二錢

歸身

三錢

川芎

一錢

茯苓

一錢五分

生甘草

三分

炙升麻

三分

產後小便不禁。是氣血虛。不能收攝腎氣。宜加味生化湯。

鹽水炒益智仁

四分

煨牡蠣

三錢

北五味

十粒

歸身

二錢

炙黃耆

錢一

川芎

錢一

桃仁

十粒  
去皮尖

炮薑

錢四

熟地

三錢

覆盆子

錢八

兔絲子

錢一

炒

炙甘草

錢四

四分

產後泄瀉。非雜症。飧泄洞瀉。水穀下注之比。大率氣血虛。易於食積傷溼所致。宜消補兼施。加味參苓生化湯。

白朮

錢一

土炒

人參

錢一

茯苓

錢二

川芎

錢一

當歸

錢二

土炒

炮薑

錢四

炙甘草

錢四

焦神麩

錢五

焦麥芽

錢八

廣皮

錢四

四分

澤蘭

錢一

如有寒

加生姜

片一

大棗

錢二

如熱

去炮薑

加金

石斛

錢三

如痛

加煨木香

錢四

如至

五更

而甚者

加煨肉

菓

錢四

產後完穀不化。因勞倦傷脾。而轉輸稽遲也。又有飲食太過。脾胃受傷。當血塊未散之時。患此脾敗胃弱之症。宜先服香砂生化湯。繼服加味參苓白朮散。乃可無虞。

香砂生化湯

砂仁

三分炒研

益智仁

三分炒

歸身

三錢土炒焦

川芎

一錢

炙甘草

四分

炮薑炭

四分

澤蘭

一錢五分

焦鍋芑

五錢

加味參苓白朮散

人參

一錢

白朮

一錢五分土炒

茯苓

二錢

歸身

三錢土炒

川芎

一錢

炮姜

四分

炙甘草

四分

益智仁

三分炒

澤蘭

一錢五分

白芍藥

八分  
酒炒炭

廣皮

四分  
炒

煨木香

二分

產後患赤白痢疾，後重頻併，最爲難治。須行不損元，補不助邪，惟生化湯去炮姜，加木香、茯苓，則可以並治而不悖也。後立數條，斟酌用之。

一產痢黃色，乃脾土真氣虛，宜服加味補中益氣湯，加

煨木香

四分  
煨肉蓯

一久痢元氣下陷，肛門如脫，宜服六君子湯，加木香

煨肉蓯

四分  
乾姜

四分  
歸身

三錢  
升麻

一久痢四肢浮腫，宜服四君子，加木香

四分  
五茄皮

身二錢  
土炒

一產痢臍下急痛。生化湯加木香四分大腹皮六分白朮一錢

炒土

一產痢嘔吐。生化湯加廣藿香五分製半夏五分焦白朮一錢

陳皮四分

一產痢小便短濇。生化湯加茯苓二錢木香三分人參四分澤

瀉一錢

一產後血痢過多。日久不止。血分虛也。宜四物湯加人

參一錢荆芥炭五分淮山藥三錢白朮八分

產後膨脹。皆因中虛傷食。多氣瘀積所致也。中虛宜加

參生化湯內加陳皮五分多氣生化湯內加川鬱金五分砂

仁三分傷食生化湯內加白朮炭六分焦麥芽八分焦神麩

八分瘀積生化湯內加沙糖炒山查一分新絳一分陳皮

四分以上四症。如虛必須人參。隨機酌用。

產後霍亂。因血虛陰陽升降不順。清濁亂於腸胃。冷熱

不調。邪正相搏。遂上吐下瀉。宜生化六和湯。

川芎一錢歸身三錢炮姜三分炙甘草三分茯苓一錢

砂仁四分陳皮四分藿香五分如手足厥冷。無塊痛者。加人

參

錢一

白朮

錢一

淡附子

分三

產後嘔逆不食。人之胃腑爲水穀之海。水穀之精化而爲氣血。榮潤臟腑。產後空虛。寒邪易乘。入於腸胃。則氣逆嘔惡而不食也。初宜生化湯加砂仁治。七日後始用溫胃丁香散。

歸身

錢二

白朮

錢一

乾姜

分三

丁香

分二

人參

錢一

陳皮

五分

炙甘草

分四

半夏麴

分五

炒

分五

藿香

分四

產後水腫。肢體俱浮。皮膚光澤。乃脾虛不能制水。腎虛不能行水。宜實脾飲。香砂六君子湯。金匱腎氣丸。濟生



腎氣丸。因症擇用。斷不可用破滯行水之藥。丹溪治產後誤服消導藥。以致水腫方。

人參

二錢

白朮

二錢

歸身

三錢

木通

六分

白芍

一錢

焦茯苓

二錢

澤瀉

一錢

厚朴

五分

蘇葉

四分

陳皮

五錢

木香

四分

大腹皮

六分

萊菔子

六分

又加味五皮飲

五茄皮

四分

地骨皮

六分

大腹皮

六分

茯苓皮

三錢

生姜皮

三分

人參

一錢

歸身

二錢

白朮皮

一錢

陳皮

四分

產後驚悸怔忡。因驚憂勞倦。去血過多。惟宜補養心血。

調和脾胃病自漸安後列二方

加減養榮湯

人參

一錢五分

歸身

三錢

川芎

一錢

茯苓

二錢

熟棗仁

二錢

麥冬

一錢五分

遠志

四分

炙黃耆

一錢

白朮

一錢

陳皮

四分

炙甘草

四分

龍眼肉

一錢

如虛煩加竹茹

八分

有痰竹

姜汁炒

瀝

三匙

姜汁

一匙

養心湯

黃耆

一錢

茯神

一錢五分

歸身

二錢

川芎

八分

麥冬

一錢

去心

遠志

四分

棗仁

一錢五分

柏子仁

一錢五分

勿研

五味子

十粒炒

人參

一錢

炙甘草

四分

產後骨蒸。乃陰虛生內熱也。宜保真湯加減治之。

人參

一錢

白朮

一錢

茯苓

二錢

知母

一錢炒炭

生地

二錢炒炭

熟地

二錢炒炭

麥冬

一錢

白芍

一錢炒焦

枸杞子

一錢

川芎

一錢

五味子

十粒

甘草

四分

此方繁多須臨病斟酌加減用

產後胃脘痛。因血虛肝氣上犯。或由風冷乘虛襲入。皆

宜生化湯加泡淡吳茱萸三分陳皮四分如遍身疼痛。宜服

趁痛散。

歸身

三錢

炙黃耆

一錢

白朮

一錢

牛膝炭

八分

上肉桂

三分

獨活

四分

薤白

四分

炙甘草

四分

如痛喜手按屬大虛加熟

地

三錢

川斷

一錢

五分

如少腹結痛加川芎

一錢

延胡

七分  
酒炒

產後感冒風寒。傷冷腰痛。不能轉側。宜服養榮壯腎湯。

當歸

二錢

獨活

四分

桂心

四分

川芎

一錢

杜仲

三錢

防風

四分

川斷

一錢

五分

桑寄生

一錢

五分

生姜

三分

如虛加

熟地

三錢

產後血塊已消。腹中空痛不止。宜服交加地黃湯。

人參

錢一

當歸

錢三

川芎

錢一

白芍炭

八分

煨木香

三分

沒藥

分四

製香附

分四

熟地炭

錢三

煨姜

分三

大棗

一枚

產後或敗血。或溼痰乘虛流注。宜服參歸生化湯。

人參

錢一

馬躡香

錢一

當歸

錢三

川芎

錢一

生甘草

四分

炙黃耆

錢一

肉桂

分四

茯苓

錢二

以上產後論治數條。雖未能全備症情。而遍考方書。摘

取純正。試之輒效。刊以質之同人。未必無小補耳。予凡

看胎產諸症。已二十餘年。遇大險大危之候。竟得十中

挽回七八者。皆以用補得宜。不隨世俗以治標逐瘀爲

先務也。